

## Q V Æ S T I O M E D I C A .

Quodlibetariis disputationibus manè discutienda in Scholis Medicorum, die Jovis 25. Februarii.

M. JOANNE BOUDIN, Doctore Medico, Præfide.

*An Chymia cognitio Medico necessaria?*

**M**EDICORUM titulo jure gloriari datum paucis, adeo latè patet Medicinæ campus, corporis humani Naturam miramque ejus compagem non modo complectitur, sed morbos, morborum causas, atque etiam remedia quibus possunt profligari. Quæ dum persequitur & investigat Medicus, omnium penè rerum naturas contemplatur & evoluit. Partium in humani corporis structurâ & compositione, innumera propemodum varietas: alia nutritioni, quædam excretioni, hæc motui. Illæ generationi inserviunt: omnes licet non omnino necessariae, peculiarem habent particularum, quibus constant, conformationem: minutissimas etiam Medicina respicit, singulas licet ferè infinitas, multò plures invadunt, & discernunt morbi, longe etiam plurimis remediis repellendi & superandi. Vix quid mundus ambitu suo coerces, quod ad integram corporis valetudinem conservandam, adversamque corrigendam non conferat. Animalia, Plantas & Mineralia scrutetur & explicet, qui ex arte severâ, bene & feliciter curandis morbis invigilat, horum ignarus, aut negligens non meretur appellationem Medici, cui illud absolute necessarium merito dixeris, quod ad corporum naturalium, hominis præsertim cognitionem, ipsiusque conservationem aliquo modo conducit.

**Q**UI sine pravâ corporis humani cognitione morborum curationem aggreditur, Nauclerus est sine pixide nauticâ & nescius marium quæ præter navigat, hic in medios scopulos impingere & procellosis fluctibus mergi nunquam non periclitatur, ille infinitis prope modum errationibus proprio nomini non minus quàm ægrotantium salutis periculosis quotidie vivit obnoxius. Partium omnium originem, situm, atque inter se communionem nisi noverit, functiones, atque adeo morborum causas ignoret necesse est. Cave ne putes in his cognoscendis, & profligandis, inutilem esse accuratiorem humorum ac remediorum notitiam, immo eorum analysim absolute necessariam existimes. Plura oculis confectanea sunt, quæ permixta tacitis sese perimunt viribus. Debiliora fortioribus, pigriora diligentioribus, stimulari volunt, & crassiora subtilioribus, ut omnes corporis nostri recessus ac labyrinthos facilius permeent. Qui igitur verè se Medicum & divini Senis sectatorem profitebitur, omnes corporis humani partes diligenti studio attendat, ut dum quæ sunt secundum naturam sedulo perferutatus fuerit, is sciat quantus sit recessus à naturâ & quâ arte, quibus auxiliis, corrigendus veniat.

**H**UMANI corporis partes vulgo dividuntur in similes, & dissimiles, spermaticas & sanguineas; Hippocrati in continentes, contentas, & impetum facientes, nonnullis demum in solidas & liquidas; solidis totius ædificii structura debetur, liquidis nutritio, motus, atque omnes adeo functiones, humores nuncupantur, omnes in sanguine permixtos ipsa docet experientia. Ab illo dum ab arteriis in venas, & à venis in arterias circumfluit, peculiari partium, figurâ, conformatione fecernuntur: fluuntque in propria vasa, in iis dum conservantur varii sunt, variaeque indolis. Alii acidi, alii acres, alii amari, & cujuscumque tandem saporis. An non omnes ad duos primos tanquam ad principia referri, se cum illi invicem fermentescere ac fermentationum omnium esse causæ viderentur? Partium corporis solidarum notitia plerumque solis oculis, humorum cognitio minutissimâ quibus constant particularum analysi, indiget, primum Anatomia, utrumque chymia confert. Illa morborum sedes, hæc causas præsertim explorat, has enim omnes oriri quid vetat ab humorum fermentatione, cujus naturam exquirat? Denique remediorum qualitates & quidquid virium habent in lucem profert.

**I**N humano corpore quidquid peragitur, ex motus & fermentationum legibus ita pendet, ut chymiam naturâ, seu potius chymia atque omnes mechanicæ Artes naturam imitari videantur. Alimenta, succo salivari in ore diluta primum in ventriculo fermentationis ope, chyli rudimentum accipiunt, secundum in gracilibus intestinis, ubi succi Pancreatici bilisque admixtione in motum concitata, iterum fermentantur. Hinc graviore alimentorum partes unâ cum fecibus per anum excernuntur, subtiliores per lacteas Mesentericas chyli receptaculum petunt. Inde ipse una cum lymphâ venam subclaviâ ingreditur, atque per cavam ad cor dum pervenit, mediis arteriis ad partes fertur, tunc sanguis, in eas figitur, unde nutritio; Easdem auget, unde accretio; ambæ sicut & generatio fermentationis effectus. Quid enim sit lactea illa spuma quæ nascimur, nisi fermentationis effectus? Illa quippe dum in utero blandâ fermentatione in motum concitatur, totum absolvit generationis negotium. Ipse menstruum fluxus debetur fermentationi. Tu, videris an soli spiritus id præsent officii, qui fortasse id habent à salibus, quod maximum possideant in corpore dominium. Fermentationis & salium scientiam sola fere aperit chymia, quam dum consequi satagit hac ipsâ ratione morborum causas, hisque convenientia remedia, Medicus passim investigare solet.

**C**HYMIAM ergo contemnere, aut negligere caveat, quisquis bene medendi famam sibi conficere voluerit. Ausim & enim asserere neminem Medicum absolutum esse posse, immo ne mediocrem quidem, qui in hac nobilissimâ distillandi scientiâ non sit exercitatus. Quemadmodum Medicina duobus cruribus firmata incedit ratione scilicet & experientiâ, sic duobus oculis illustrata cernit, anatome nimirum & chymia; hinc in rebus Medicis cæcitant illi prorsus necesse est, quibus hæc facies non praevalent. Quod in dirigendâ nave, nauticæ pixidi & gubernaculo, in historiâ, Geographiâ, in aperendâ ferâ, clavibus, id in Medicinâ chymiae præsertim debetur. Hujus operâ humorum naturam, morborum causas remediorum vires cognoscimus. His sanè impulsus rationum momentis Rex sapientissimus, dum omnium utilitati, propriique nominis splendori consulens, artes omnes ad summum perfectionis gradum promoveret, locum in Horto Regio chymicis operationibus destinavit, unde juniores hujus artis præstantissimæ præcepta acciperent, & uberem adversus omnes omnino noxios affectus, auxiliorum mestem sibi pararent.

*Ergo chymia cognitio Medico necessaria.*

## DOMINI DOCTORES DISPUTATURI.

M. Germanus Preaux, Scholarum Professor.

M. Petrus Daquin, Medicus Regis perpetuo ordinarius.

M. Ioannes Cordelle.

M. Petrus Ozon.

M. Petrus Yon.

M. Antonius de Saint Yon, Medicus Regis ordinarius.

M. Claudius Perrant.

M. Tassanus Fontaine.

M. Franciscus Pajot.

Proponebat Parisiis JOANNES DAVALL, Augæus, Baccalaureus Medicus. A. R. S. H. 1683.

